



Austrheim sokn

5943 Austrheim

Tlf. 56 16 72 90

Til:

Rådmannen i Austrheim

Kopi:

Ordfører

Kommunestyrerepresentantane

Austrheim 10. november 2020

Framtida for kyrkjelydshuset på Austrheim

Vi viser til budsjettforhandlingane for 2021 og samtalar elles mellom kommune og kyrkjelydsadministrasjonen der det er opplyst om planar for sal av kyrkjelydshuset på Austrheim og flytting av kyrkjelydsadministrasjonen sine kontorlokale. Soknerådet oppnemnte på møte 28.10.2020 ei gruppe som fekk i oppdrag å arbeida med ulike alternativ for framtidig bruk av kyrkjelydshuset. Det er på denne bakgrunn gruppa skriv dette brevet på vegne av soknerådet.

Vi vil be kommunen om å ikkje gjennomføra sal av huset i denne omgangen og vil i den samanhengen peika på nokre moment:

Vi skil mellom huset som kyrkjelydshus og som kontorlokale.

1. Flytting av kontorlokale

Sjølv om vi opplever å ha tenlege kontorlokale i kyrkjelydshuset er ikkje flytting av kontorlokale noko vi vil motsetta oss. Det har vore forslag om lokalisering i kommunehuset ved Mastrevik Torg, og det kan og ha sine fordeler; m.a. nærare kontakt med kommuneadministrasjonen og lettare tilgang for publikum.

2. Huset som kyrkjelydshus

Kyrkjelydshuset fungerer pr. no akkurat slik namnet seier, som eit kyrkjelydshus, og har gjort det i ca. 30 år. Austrheim kyrkje er ei flott kyrkje til gudstenester og kyrkjelege handlingar, men i eit moderne kyrkjelydsarbeid trengs lokale som ikkje denne kyrkja er bygd for. Kyrkjelydshuset ligg plassert nært kyrkja og representerer slik ein stor verdi for kyrkjelydsarbeidet.

Stortinget vedtok i 2003 "trosopplæringsreformen" der trusopplæring for alle døypte frå 0-18 år blei innført og heimla i kyrkelova. Dette skjedde parallelt med, og delvis som ein konsekvens av, at kristendomsfaget blei tatt ut av skulen. Alle kyrkjelydar skal no ha ein trusopplæringsplan med definert timetal og tiltak. Dette har og Austrheim kyrkjelyd. Til dette arbeidet trengs lokale. Her har og kommunen eit visst ansvar, heimla i kyrkelova, t.d. ansvar for lokale til konfirmantundervisning. Vi tar fyrst med ein del av dei tiltaka der kyrkjelydshuset blir brukt i trusopplæringsarbeidet :

- Babylunch

- Lokale for ulike aldersmessige tiltak i trusopplæringsplanen, ofte i kombinasjon med samling i kyrkja, mykje takka være kort avstand.
- Konfirmasjonsundervisning, også det i kombinasjon med samlingar i kyrkja.
- Leiartreningslokale for ungdom etter konfirmasjonsalder.
- Huset har og vore brukt som lokale for ungdomsarbeid i kyrkjelyden, som t.d. fredagskafé og anna.

Vidare blir huset brukt i mange andre høve. Her er det ofte av stor verdi at huset har eit tilfredstillande kjøkken:

- Undervisningslokale
- Møterom, til soknerådet og andre lag og organisasjonar.
- Øvingslokale til kor.
- Forsamlingsrom til ulike kyrkjelege aktiviteter som temakvelder, diakonisamlingar og festar.
- Lager (skulemusikken, rekvisittar til mange kyrkjeaktiviteter og historiske gravminne)
- Utleige
- Festlokale for dåp, konfirmasjon og andre kyrkjelege festar
- Minnesamvær
- Utleige til katolsk messe i samband med jul og andre kyrkjelege høgtider (avhengig av katolsk prest på aktuelt språk og kultur er tilgjengeleg.)
- foreiningar
- gruppemøte for sogelag og andre eksterne leigetakarar

I alle desse 30 åra der kyrkjelyden har disponert huset til desse aktivitetane har kommunen vist syn for dette og tatt eit ansvar for at soknet kan driva arbeidet sitt på ein god måte. Vi vil difor be om at kommunen i denne omgang legg planane om sal av huset til side.

Soknerådet har sett ned ei arbeidsgruppe som skal sjå på gode og varige løysingar for å ta i vare det kyrkjelyden treng av lokale i framtida. Vi vil koma tilbake til kommunen med forslag til framtidig organisering og eventuell overtaking etter kvart som arbeidet i denne gruppa går fram.

3. Identitetsbygg for Austrheimbygda

Vi vil og nemna at bygget representerer ein verdi for Austrheimbygda. På mange måtar tener Austrheim som eit senter nr. 2 på sørsida av bruene i kommunen etter Årås/Mastrevik. Det vil heilt klart vera ei svekking av denne sentrumsfunksjonen dersom dette huset skulle bli selt på den opne marknaden.

På vegne av Austrheim sokneråd:

Edvard Bjerkestrand
Soknerådsmedlem

Gerd Solheim
Soknerådsmedlem

Rune Minde
Soknerådsmedlem/sokneprest